



Institucionnan Ecclesiastico di Aruba

Oranjestad, 31 augustus 2009  
CBB 44-09

Asunto: apoyo pa ambiente calmo y respetuoso pa eleccion

Apreciable sr.,

Pa medio di esaki Comision Bon Boluntad (CBB) ta desea di acerca e institucion religioso cu bo persona ta representa pa solicita colaboracion den lo siguiente.

Dia 25 di september venidero lo tuma lugar eleccion pa parlamento di Aruba pa e periodo di gobernacion 2009 – 2013.

CBB, un comision a base di voluntario representando diferente gremio, desde 1994 ta haci un esfuerzo den tur eleccion pa aporta na un ambiente trankil y respetuoso, colaborando entre otro cu partidonan politico y cu medionan di comunicacion pa nan tambe aporta na e ambiente desea aki. Anexo ta inclui un foyeto cu ta splica trabao di CBB.

Na e momento aki CBB ta nota cu tension ta subiendo y cu varios incidente especialmente durante e actonan publico masivo ta duna di pensa cu nos por enfrenta un situacion menos favorable den e ultimo dianan di campaña y e dia di eleccion mes, unda agresion y violencia por bay hunga un papel, algo cu claro ningun di nos ta desea. Ta pesey CBB kier a haci un apelacion riba e organisacionnan ecclesiastico pa durante nan servicionan den e simannan venidero presta atencion na e asunto, apelando na sentido di responsabilidad di nos ciudadanonan, pa yuda haci cu eleccion no ta mas cu eleccion: un pronunciacion civico ken mester bay goberna nos pais den e proximo periodo, nada mas. Despues bida ta tuma su curso cotidiano y nos tur mester por biba como ruman den paz y harmonia, independientemente di color politico y tur otro signo di distincion entre nos, pero cu al fin y al cabo no ta cambia nos igualdad como persona.

CBB ta spera di por conta cu colaboracion di tur institucion ecclesiastico den esaki.

Agradeciendo bo atencion y sperando un respuesta positivo,

Atentamente,  
Na nomber di Comision Bon Boluntad

Lydia Emerencia  
Presidente

Secretariado di Comision di Bon Boluntad :  
Tel. 582-1120 Ext. 34/41-Fax. 588-3200  
E-mail [secretariat@arubachamber.com](mailto:secretariat@arubachamber.com)

Website: [www.arubachamber.com/ComisionBonBoluntad.htm](http://www.arubachamber.com/ComisionBonBoluntad.htm)